



空齋遺集卷之九 詩集

縉雲鄭賡唐



男

載颺

編次

五言古

遺稿散失顛倒不能編年叙錄其前後約略編次一生紀述贈答亦可槩見云

孤雲

戊子

聞之軒轅代湖鼎鬱片雲乃以雲紀官華蓋自成雯  
後世漫推測保章察其氛又或占豐歉象隨國異軍  
豈知雲始處輕淡未為羣妙鬢浮螺髻散鬢架碧纒

昨夜潭龍起泰山觸石盪

門有車馬客

結客少年場十方如比里手迹可傳心何必駕行李  
是題鮑明遠云手迹可傳  
心願爾駕行李故翻之客日勞心但驅塵不自止

佩玉車麟麟嘶風紫鷲起入門咲桃花談鋒鬱盈耳  
話舊有餘悲論今亦新喜濁醪泛夜光閒枰侑半盞  
良時不多得騶馭催如駛慎爾太行道翟門敢云鄙

擬古

青青河畔草鬱鬱園中柳流鶯已匝枝濃花復當牖

嗟妾獨何爲憔悴空自守弄杼不成絲殘粧愧蓬首  
長垂雙玉啼誰泛三清酒荏苒悲天老香閨亦陽九

擬晉陶元亮答遠公入社詩

我生無所得家在酒中寄亦有歸來辭都作蓮花字  
五柳珊瑚枝三徑玻璃地逢師濟慈航隔溪聊一至  
啣盃真解脫獨咲聲聞醉

擬宋送宮人入道

一自天書下宮娥先自憐相累以恩怨相成有淨緣  
華陽多道士綺閣冷金蓮若夢君王寵願獻道德篇

牽牛織女

丈夫誠英雄不墮脂粉中奈何神靈者河渚怨西東  
寥落秋風冷淚濕機杼紅天帝亦多事澄湛恣界空  
假如女未嫁織作豈忡忡慎哉乞巧子冰玉勿爲容

竹醉

南風何自來醉倒庭前竹高節亦堪移捎雲自不辱  
作龍尋曲砌引鳳裁青玉此地開三徑幽情性所獨

仲連

羸秦虎而翼羣虓不敢對齷齪魏小臣謀帝忽自墜

其主若贅旒九鼎亦焦悴先生獨昌言氣懾秦兵退  
豈必雪王鈇名義良足貴堅白異同者視此如蠅蚋  
飄飄碧霞表世網豈能綴

子房

始終以爲韓世德懷君子天猶祚梟雄椎沈博浪裏  
下邳隱竒踪圯橋陶英滓吞吐尚父謀自有魚水  
入關殪白狼垓下踣黃兕事平聊餐松河山誠敝屣  
進退其猶龍千秋誰可似

武侯

炎燼方驅鹿隆中起卧龍三顧信大義一出扶皇穹  
馳驅梁道鼎足豈素衷天生與鬼蜮無異同  
望旗巾幗綸羽豈不雄惜哉星遂隕蹇蹇徒匪躬  
空留出師表矢報永安宮

靖節

浮生亦何盡役役秋與春綺季空歸漢花源堪避秦  
我讀五柳傳尚懷羲皇人解綬良足尚乞食豈嫌貧  
醉裏乾坤大閑情亦天真熟讀山海疏鄙哉彼攀鱗

長源

仙骨琅函隱豈云萬乘賓黃臺辭已悟懷璧遂自珍  
荏苒三葉後綬染白衣人匡時運籌策小大皆入神  
昔爲曲江友智義語何新至今衡嶽裏雲月掛紛綸

蛙鼓

聞道高州鼓鳴蛙蠖玉林是蛙非綠翠是鼓亦銅精  
是是非非地爲公爲私心我欲廢絲竹池塘夢草深

龍華會

以上俱戊子作

雪山妙色身勝會同瞻仰鐘梵響幽林衣珠輝象罔  
香雲繞玉毫花雨集朱幌何法向人說龍華寸地廣

南明山石梁

巨靈自天來斧石如削屑行空駕玉虹赤霞爛不滅  
崖根積蘚班中有太古雪祇愁雲壓崩深夜猿聲咽

大安寺

尋山不肯閒入寺意瀟洒豈獨耽奇遊聊從空碧寫  
風幡若箇真雲物應非假寂寂對深山無色色堪把

石田

以上南明題詠

田家豈不苦弗獲辭此難况復居采阻瘠壤民足嘆  
圍石以爲塍人謂之異觀那知農望歲礮礫非所歡  
隴頭聽雉雥象耕習而安羔酒雖勞息租稅苦在官  
願邀太平福衣雲石可餐

惠梅

碧霄信已傳胡爲庭柯舊傲寒心似水破臍花如繡  
玉立山參差東閣勤芳漱霜雪任天公春風長在宥  
惠我終日香寧辭作詩瘦明歲用和羹請爲使君壽

答皖江吳某

乙未

風塵傾洞消碧海航香玉赤土流星銖瑤光競風逐  
我越得歲新福星耀窮谷寒噓造化春山川漸豐蓄

誰參單父琴喧歌采蓮曲延陵有君子芝蔴共芬郁  
源花意獨尋道契不爲祿網維千載人感吟自曩夙  
引斷筆橫霜青史允無辱不惜金佩刀分餉荒年穀  
班荆滿座雲表建龍門鵠殷勤嶽德謙郢雪堆茅屋  
何以報心知旣醉蘭生醪

與胡吉甫

丙申

人生一百歲三五雜歡悲易水寒風咽梁山白雪馳  
古人緬千里雲聚非所期縞紵猶如昨倏焉十六基  
龍媒豈無秣珎璜價有時瓜豆不易理辛苦知爲誰  
話舊徒三嘆浩飲宜不宜一紙玄黃局閒枰古今籬  
珍重臨邛意醉聽竹枝詞

卽韻答汪羽年

丙申

南國有佳人餐玉袖霜阿揭來臨邛里流水日吟哦  
昔在桓幕龍韜倚大柯倏忽海田沸雲遮白鷺簑  
豈不貴纓冕止足願無多古處傲松栢幽心翦薜蘿  
迺不棄采菲高軒谷口過無絃琴且置課說稼與禾  
逢茲雲漢煊脫粟甘蒿莪荒山坐剝蘚仄徑行踏莎  
憂天顛未醒嗟時誰止戈所歡明府賢大厦敞馭娑

風雅于薦部迢遙鼓柷歌人皆眠春穩我亦霍深痾  
玄脩潛渡虎夜柝靜鳴鼉君既看花滿文章賤綺羅  
解珮以分贈黃金飾珪珂聽鷓有斗酒清馨老芰荷  
收拾盡罨畫瑤瑟近星河相期千日醉願解雨滂沱  
登韜光追和高忠憲韻二首  
丁酉

疊疊峯峯異北高尖削餘鬣鬣崇雲葢丹碧葉戰初  
我昔躡屐至日月幾乘除今偶良朋屢依栖竹影疎  
煙道望不極江湖僅帶如罡風衝赤熒追逐在空虛  
仙窟鉢龍在却羨老僧居

又

瑤臺鎖蘿幌靜古自然秋嶽德雖謙抑不似東陵侯  
雲貯高人筆琅玕咽唱酬屈軼初善指金鼎重山丘  
婺恤當孔棘蚤懷叔季憂景光脩蛇尾所貴枝撐幽  
花間午時梵清泉不釀愁竹逕馴走鹿藉草一沙鷗  
累石同人拜班剝尚可求落葉空山句應與此山留

和沈大匡石園作

丁酉

倚山山之偏幽宵爭言妙隱侯隱于茲素心閒憑眺  
山靈狎久居葱蒨自開咲花事紛如織物外以頭掉



空齋遺集 卷之九 詩 八  
新椽嫌工競梳石自然竅一磴更一罅安排亦清要  
梧影接松風響答蘇門嘯攤書卧百城學殖時論弔  
咯焉棲倦翼陰晴匪意料鋤雲斲五色漱石垂岩釣  
我如君獨怡拜石急同調

壽蔣丹崖五十

巳亥

日月不全晶燭火繼厥耀江河不盡灌澗沼分餘漂  
人生百年身焉得長樞要俊豪貴識時大隱舒清嘯  
鴛湖蔣夫子懷抱非常調廓落唐求瓢天際韓公操  
絳幃鬱仙都山靈恣考校自謂元卿逕不假玄纁召  
安石恐不免蒼山須色咲昔我張羅峯五十後待詔  
君爲翁青陽人倫稟先覺六十七春金貂堪醉倒  
莫効古平章委蛇不知老

寄壽關六鈐五十

人生貴百年彼美偏遲暮黃石積仙籌由庚整天步  
曩騰大禮篇暫灑藏春雨塵擾沸蒼鵝買山權側注  
星羅北海尊風送玄暉句蟬篋字多奇雪檐門有履  
天香玉樹森鍊手金針度問寢傲千鐘瑤觴奏六羽  
緬余羈旅時雅負登堂顧黯別忽三春加餐曉尺素

願歌榮木章不作登樓賦士得御爲仙道非貧所痛  
况今五十疆肇際期願數命載水濱璜且從花塢駐

松陽程景雲先生挽詞

烈士非狗名所貴重死生况乃逢陽九滄桑不勝怛  
壯哉程司馬忠靖一身輕大僚不苟祿小臣敢偷榮  
父子同歸盡浩氣凌玉京媿我長溪守倉卒悞干城  
解甲悲歌日孤檠痛苦聲趙苞與徐庶論古欲分明  
終自安渙忽不如君潔清慘澹甚弘血支離信國情  
河山應如昨宿草盡香薷

王門趙太君貞烈

丈夫少明哲留連生死穴何况閨閣中香奩變文纈  
憶昔搶攘時焄火乾坤熱輦鼓忽震驚旄頭雲雨媒  
卓哉王家媛先幾蚤自决借有清江水匪石肯污鱗  
夫子咽刀鏢三兒悲寒玦幼女佩瓊瑛捐向深潭挈  
烏鵲泣威神腥龍畏霜鐵君不見見臨海清風嶺上有  
貞婦碣又不見岳州韓希孟練裙詩哽咽幽魂化精  
衛滄海填欲絕爲告淮水流芳馨永不滅

王節母凌氏

崑山有良璧武火燒不燼杜若蔚芳洲芬郁飄香蘭  
君子德堪比女士節彌震借問誰家婦瑯琊清吏胤  
三世遭鞠凶一身孤孑僅豈復憚捐生宗祊懼絕爨  
茶苦咽哀猿艱貞泣幽燐迄今存孤緒暮齡孫枝振  
我思古賢淑鍾郝皆處順凌母真異搯輿誦彰明信  
罡風瘦鐵寒霜月蓋珠潤旌表何足竒千秋聲適駿

避地答蔣丹崖

辛丑

滄海幾揚塵虹波濕鵬鳥浮世若蓬飄靈鷲自雲表  
况乃生標季百鍊柔剛矯所以古達者每言脩行好  
媿余薄福人蹉跎遂衰老欲報生我恩皈依佛懷抱  
未敢五嶽遊處處春風草緬昔輞川維宋有高齋趙  
鰥居並習禪冰心明月皎感君金石言祇恐天機少

蔣詩附錄

天地爲幕席王公一鷗鳥任誕得曠達忘機出塵  
表生不逢虞夏禍患罹矯矯所以古至人隨意行  
藏好方巖杏蔥青聞君欲投老上有翁矍鑠下有  
孫懷抱果哉末之難此行非草草宣尼可居彛武  
靈旣易趙願爲鳧泛泛莫作駒皎皎謂窘九州步

凌雲世絕少

寄壽嚴顯亭六十

乙卯

東序陳河圖歛福先用九王會集介圭論道班居首  
名世天人資比德堪不朽風雅遡臯謨經學遵魯叟  
絢爛上林花膾炙國門口西掖曉霜清中臺卿月守  
帝曰咨汝農出入經綸手橐鼎燮梅羹民物期康阜  
雖登上相堂彌懷白屋友韓蘇許朋從紀羣交豈後  
困餉子敬貧哺吐姬公走賤老追舊遊願獻南山酒  
由庚徧萬彙元老功何有形管沸笙歌秦岩近北斗

與故人子

君昔先君子好客一孟公湖頭風雨集四海友聲同  
余時來假榻君尚纏笄鬢流駛幾何歲滄桑如轉蓬  
小草閩天咽啼鵲印北紅髡余未了債柴桑白社中  
擊壺人寂寂視天旣夢夢君亦無聊賴玉立怯春風  
憔悴休文瘦顛連子美窮烏衣裘馬在玄塵雅談攻  
看取故人意啣盃酒不空祇愁明月迴閒却百花叢

答關六鈴

乙卯

越徼雙鵝飛太白彌天燹竿木蔓株連百室恣躡踐

因之橐駝馳雪堆荆棘竄崑岡慘炎炎奮飛無羽翰  
秀閨泣路隅奚惜毛氎毳老朽筋力疲斷髮先裂冕  
夙佩達人言顛沛朋來蹇荒邨一草廬同患知順變  
遙望浙江西江潮隔天塹嬉息庚桑壘吟咏名花箭  
晨風響北林明月湖山戀重登君子堂喜倒王孫蹠  
艱貞聊備陳捫舌徒忡泣如何詰戎兵以不教民戰  
魚麗不成行爛羊突而弁在彼鼓聲衰在此絲棼亂  
忉怛痛苔華尋山忘胝繭頭戴幼安帽蓬海未清淺  
爲効梅子真市隱應能免感懷郢曲高繾綣恨來晚

文思 食疲馬不渡澗度幾王會圖純牛兼露犬

壽吳仲徵

丙辰

獻歲和風揚祥光淨海宇歲星今在辰南極正當午  
聞籟沸蓮歌催花轟羯鼓借問誰家樂言有脩月斧  
脩月意何爲褰衣顧霓羽左操廣陵散右吹瀟湘雨  
潑墨罩雲烟明盡書畫譜優游百尺樓容與輞川塢  
堦下森榮桂持觴羨者堵此日花甲週九九從今數  
先賢有遺言君子受天祐莊敬而康強莫效張蒼乳

寄夔仲第五十

丙辰

宣尼貴學易蓮子亦知非積累隨時長進脩達者希  
人生各有願裘馬羨輕肥又有榮期華枕流甘樂饑  
汝今年已艾樂事在庭闈棣萼歡相得義方教不違  
我因湖海氛萍寄未能歸杯酒消愁緒鶯花任息機  
看山石笋遠雲樹日依依

贈友作

富貴多少年陳人望却走如君視履別許公豈小友  
崔峩山根石題封加艾綬偕隱清飈穆白雲生虛牖  
趨庭有立文釀作少康酒好客建鼓旗大言翦稂莠

宮鶯一曲春壁惹應龍吼書帶滿堦除香蘅葉有黝  
或言時可爲勿厭黃金鈕鶴翎摩秋空紫鷲驤雲藪  
自茲謝山靈元龜錫在酉珍重花間供咲伴放眉叟  
沈大匡席上晤友人柴某

湖南懷舊友非俗亦非僧隱侯才撤燭太上學傳燈  
斗室華筵集九州意氣弘子明先在座蘭譜斷金恒  
愧我非仁表短筇雲際騰放鶴林和靖思尊張季膺  
惟酒破愁盡感時三折肱竭來高陽侶相將紫氣憑  
鯨吞車渠碗塵拂玉蒼蠅熱腸偏問姓白眼不容矜

賦心麗以則古道直如繩樂饑甘勺水壯志厭脩陵  
一曲菱歌永三復唱嘆興寂寂商山老玉璜誰許稱

久雨訊關六鈴

丙辰

良友心如晦晨風度客迷同懷陸海意欲假青雲梯  
梅雨嗟迎送霽霓濺瀑泥鮫人凌岬泣畢月倩詩題  
步禱情斯亟蓮花香透臍遙瞻堂集鳳培息化淵鯢  
夢霍池塘草朋簪玉案睽雌雷今鼓盪啓晝度相携  
閭尾青山溜分龍明月低三清饒竹葉翹埃錦驄嘶  
丁巳仲冬朔日送旃林和尚至梵嚴寺

傾景催微燈湍江無停水冀覓衆香園相與了生死  
高人不易逢離索同俗滓仁者自何來云是旃林氏  
寶婺久光輝雅懷仙都止我瞻滿月容秀拔丹霞似  
豈必倬天章承當是宗旨飛錫向梵嚴法雲彌天起  
一朝提唱因千秋事業始葭琯初肇陽凍發梅花葉  
七言古詩

壽續元戎

天半滇城青若帶碧雞金馬噴光怪降神爲現宰官  
身出處超超獨瀟灑藻琢青鏤炳陽曦略蟠黃石卧

熊羆岩 散作九江水墮淚猶傳古峴碑爲愛庭前  
雲石好高情長託東山老矯矯黃鵠橫蒼烟芥蹠侯  
封事幽討伯子叔子皆時傑惟翁克讓抗奇節延陵  
千載不可攀孤標高映華峰雪誰云偕隱焉用文太  
姒徽音迥罕群輝煌彤管卑王謝靄護瓊芝瑞氣氤  
五夜靈光集采浮御風並自狎丹丘三山二水堪立  
暢奕葉金緋况學裘我聞源厚流光遠清芬徹內蘭  
九畹吞花卧月飽烟霞斟斗考鐘樂繾綣借問風流  
諸洞天何如滿室肉飛仙金丹化爲清酒酌長嘯滄

洲福履旋

寄柴蓮生

二首丙戌以前舊作

大雅同芳擷素心無俗熱陶陶班尹夕立對意如雪  
君吳我越共山川君車我笠共風煙十數年來不厭  
醉吞花海北又闡天武夷山色今已判堂廠瑞蓮歌  
燕衍童子有心何足云處膏不潤真堪嘆銘碣旣開  
玉女隈携琴高坐雨花臺鏘金鳴玉揚親日奮武揆  
文匡國才千載賢良誰與似再來清獻清無滓不須  
世眼耀芳榮自有琅函注福履何況彈冠髮未華脩



然樂道顏桃花長枕風流怡棣萼趨庭晨夕泛紫霞  
憶昔湖南開盟社屢盈戶外皆裘馬寂寂披帷有何  
人看雲餉月獨瀟灑讀古先讀濂洛閩學今須學王  
陽明人間煩惱是快集漫爾攻魔弄墨兵君今已攬  
澄清轡我猶未慊青雲志後先應自有同心方則行  
義圓則智相看並  
笑花醪相勸加餐勤素書却同  
征邁遙天遠四海蒼生想望初

駿馬行

戊子

聞之神駒爲狹龍之媒體氣高騫自天來也隨壯士  
也隨僧不羈囂市不塵埃驪騮見之驚且愕何輕棧  
豆偏磊落人生亦各從其時駮蹶自安而已矣蓋車  
九折路不平中逢伯樂忽悲鳴因爲告曰馬兮馬兮  
爾之生也豈不辰黯然齧雪保天真昔爲拳毛佐聖  
主電掣星馳日千里亦有獅子扶令公龍驤奮跡自  
雲中而今伏櫪悲疇昔虺隤偃蹇將毋同支公何事  
謬相愛世外雌黃耳不聰吁嗟大風發兮海沸山濛  
霜蹄蹴踏兮我將安從

客從遠方來

戊子

空齋遺集 卷之九  
有客有客來何方天南溯盡碧雲鄉殷勤致問夫君  
意妾未白頭君莫棄金珥寶釵爲誰落調絃促住聲  
聲細妾有玳瑁押珠簾亦有珊瑚飾玉髻筆床新開  
芍藥花錦字迴文須却寄吁嗟乎妾命薄九華衾冷  
良夜漠盼盼彩鳳入幃低莫賦空梁落燕泥縱知所  
歡明當返不禁今朝千萬思

題畫竹

荒蕪何事響檀欒恠起峭雲峻節寒却是道人閒潑  
墨翦羅抽玉在毫端鴉谿絹千幅好手不我穀對此  
凌霜操怡然忘食肉豈必彥齋傳與可鞞材萃作明  
月穎柯篠歲蕤形湘江烟霧鎖化工幻爾着爲容人  
靜庭空影幾重勸君莫點鱗生處恐逢風雨盡成龍  
支公禪室闢解劒琢雲石看山絕徑通揮灑亦無迹  
森束瑤華任卷舒酒徒詩思興不孤焉得筆精徧香  
陌攢生嫩葢佑春醕

恠藤歌

火虐水皴一縷藤夔罔墳羊兩兩形林巒夜夜騰光  
恠疑惹蛟虺屢繞霧腥荏苒千年不記始軒騎遺髯飛

空齋遺集 卷之九  
在矢南國荒樛數點烟移植剡溪烝盈紙至今雲鎖  
翠微山山精木魅列星攢代作委蛇  
喬昇玉棺中有血汁白頭翁蛇身熊首色似狻元結  
占風雨應髓結三岩膚寸濛於戲異哉胡爲乎來  
鼠不敢嚙人不能猜武夷接筍梯千丈變幻斜橫鐵  
索開安得絲蘿長蔓衍纏空鈎取白龍堆

剪韭

字亦象形一之上剪來縷縷裁青玉景純紛紛辨藿  
山六月同鬱食鹿鹿吁嗟乎食無肉只因此腹負將

軍散澹春盤安脫粟

新荷放綠

以上俱戊子作

買小池倚村屋天脉脉風謾謾問道芙蕖誰手栽翠  
莖凌波誰爲族願得綠雲時覆蓋碧筒繁香醉金谷  
願得綠玉消炎暑玄珠飾佩爲膏沐

錦車行

丙申

天子待邊漢世雄陰山磧似猛士風剽剽左臂和西  
域王姬下嫁惜粉紅可憐馬上琵琶咽玉門關外  
楚宮楚宮媵史真英俠賜號夫人却姓馮智術能欺

廝養卒間關不數泛查翁出撫夷落誠悃盡入對明  
光譚語通一出入香光艷七寶裝送五花驄首長  
遷徙崩厥角禦侮不是馮當熊咄嗟烏孫何足數單  
于欲共撼蒼穹昆彌廢置由中國聞聲遁漠胥耳聾  
自昔兵機尚携間不戰屈人是心攻後車巾幗能若  
此韜鈴誰是馮上公

嚴無翁七十

壬辰

春風七十醉韶光猶是結客少年塲燕喜因心思杖  
屨鬚眉半幅畫圖揚昔有二嚴子著書而不仕玉敦  
插盟壇廓清古文史公序居其三如鶴在鷺間心空  
得了悟團欒闖仙班荏忽于今遺碩果歸爾靈光古  
道存凌風作賦才猶健花下孤燈眼未昏只看堦庭  
茁蘭玉譚經問字曉窺門爲問瑤月之慈航爲餐青  
岑之玉醴五陵裘馬爛如雲管領烟霞推綺里徵集  
筆墨作笙歌一曲千秋從此始

挽于越凡

壬辰

人生滿百亦何極如君孤憤爲君側劍霜未吼亂雲  
埋荒草長陵誰認識憶昔裝勒守長安宿衛未央裊

露乾夢來碧染萋弘血看去青留汗簡殘草草金陵  
成底事萑苻澤中幾隕墜天佑爾忠復全歸艱貞十  
載同天醉可憐滄海謾揚塵掩卧湖山日嘖呻藥爐  
煙鎖岐黃訣拋擲鶯花任好春嗟余遠道愁顏頡感  
懷欲碎蕤賓鉄君逐暗風向月明氣作胥潮永不滅  
趙太君節烈

人孰不有生貪生麴蛾樂人孰不有死一死重山嶽  
吁嗟紅顏侶亂離多齷齪空戴明月珠亦著花文珺  
解髮倒裝髻褰裙逐馬稍太液芙蓉恨嫦娥誰夢覺  
乃有江左王門之太君茗危鼎沸避叛兵入山有虎  
水有鯨寧同斷縷碎玉入深泓母女簪笄幸雙清一  
時紅顏皆媿死吁嗟太君獨長生

楊母葉氏節孝詞

人生不滿百常苦陰雨迫長空忽糊雲鴝鵒怒而嚇  
三尺黃河水何處呼將伯踉蹌失路人血欲染萋碧  
偷蔭望湖山故人爲感惜浩憤論千秋爲予誦香悃  
節嚴獨鵠哀孝奉楊家拓淚眼日月枯終始如拱璧  
吁嗟乎女貞猶如此鬚眉丈夫寧堪摘爲歌鐵板問

藐孤何以報之蘭臺册

甲辰秋日遊暘谷劇醉僵卧石穴賦此解嘲

使君保釐久公餘闢草萊伯氏自滄江飛濤墮酒杯  
暘谷山靈重期待分付仙房次第開瞥爾瑤光拂葱  
蒨袖琢珊瑚溪鋪練携有墨煙雜塢雲雙鶴迎似倪  
翁面籃輿輿上繡錦紉標題石脇花片片同人車馬  
集鏟削蒼苔濕香醪千里醉長鯨百川吸愧余老狂  
生飲醇貪樹兵顛毛偏落帽方眼竟昏醒惹得兒童  
拍手笑石罅松髮欺孱僇借問遊山者幾人中濁幾  
人清却比昌黎華山哭不數劉稽卧月明東望扶桑  
海端笏丈人峰龍髯影超忽蓮露滴丰茸賸取敦好  
堂前雪解嘲餐玉再扶筇

贈陳龍媚

乙巳

陳子固是人中龍恠底南山烟霧封新簇花洲與竹  
塢賦就遂初琴瑟供無乃六逍遙得非四木榻芙蓉  
翠羽鮮紫玉紅蕤沓中有昆吾寶瘦鐵夜光杯滿光  
如雪揮灑高騫日觀峰叱咤瀾迴會稽浙後庭轉度  
霓裳部楊柳枝嬌清歌咽雲生赤鳳飛團扇香銷金

空齋遺集  
卷之九  
三  
鴨闌明月我望吟白臺貯酒好風催怪石洞庭浦香  
草武陵堆却聞麻姑語君子隋蚌珠明自茲始不然  
繁滋九畹蘭輞川今作平輿里

壽李崧生先生七十

猶憶曩時花甲新南山燕喜未老春而今日月幾斯  
邁蒼玉脩然迴辟塵先生昔待金門漏讀書讀律大  
研究聞之活千人者封匪于其躬于後售翩翩五馬  
壯滇籓甘雨弘敷漢吏恩若望春陵葱鬱氣口碑應  
滿舊雲孫東南滄海田汗損依隱梅亭勤鋤墾欲擊  
唾壺氣憤吞入林洗竽堪肥遁通家兩世侍燕公酒  
濁詩清墨火攻况屆揆辰觴纍纍催花亟教羯鼓鑿  
豈不鵠鳩惻豈不風雨盡已饑此念誘天衷好羸五  
福華胥國噫嘻四皓一皓獨餐芝蘭臯玉樹作甘飴  
歲歲籌添歌既醉兒童爭咲倒接籬

乙卯夏過西湖感懷

憶昔南屏肄業時蘭膏繼晷學爲詩筆花不向江郎  
掇浮空欲攄東野奇彼美人兮居藕渚風流環集東  
山墅文心却

湖春鸞舌騰歌鳳爲舞三十年來

錦瑟摧糟丘，婪落是蓬萊。壯懷伏櫪誰，堪語老眼看。  
花尚未，顏詎料干戈催。出走三春重，擘西湖柳赤髭。  
禪子響金槌，姑射仙人來。玉友一曲凌歌遏，楚雲雲  
烟裊裊座中分相逢，且自忘炎暑。書畫船中醉紫曛。

西湖贈友

乙卯

湖光面面繞孤山，山石蒙茸烟雨間。怪來詩思凌風  
起，懷古愾然俯塵寰。聖世棲隱真高士，和靖先生誰  
比擬。只有山間數株梅，暗香疎影春光似。梅花雪沁  
湖上月，遙映客星雲。水咽嚴灘何事理，釣綸山水清  
音永不絕。行藏自昔嘆渺茫，青衫淚染琵琶行。多情  
最是香山老，疏井通泉湖水長。眉山蘇老嗣徽蹟，誅  
翦葑田堤柳揚。嘻咲怒罵曷所羨，騷壇此日旗鼓張。  
于鱗崛起音正始，唱和尚有王元美。並向湖山洗濁  
流，殘膏剩馥潤千里。

答沈大匡

乙卯

休文曩在辟疆園，千里名駒紫氣軒。拚取岩花歌既  
醉，清風解佩還不言。而今編邈幾多載，雨雨風風人  
面改。避地重來喜再逢，深情設醴。滄海西溪別墅



空齋遺集  
古先生偕隱偏章一代名花筆錦雲芳薈繞閒眠不  
令野鷗驚冰霜剝復天心壯雛鳳卧龍何足快旦晚  
紅雲開月華丈夫昂激真無量

竹醉日吳仲徵爲老人會乃兄禮南數年共得六  
百八十四以此弁句余初赴未熟姓氏不能如

少陵之歌八僊寫意而已

丙辰

十人六百八十四披雲個個餐芝露天厨有酒娛黃  
耆菘竹鶯花思景鷺香山曾列狄兼謨洛下英翔君  
實步而今埃塵越嶠飛仙都綺季成孤注

邑中尚  
有崧老我

來問渡聖湖邊老人却笑來何暮浩歌浮白卧月明  
添種桃花幾千樹

贈維揚同宗

丙辰

五雲東指是滎陽却遡淮河衍派長君在邗江同水  
木天緣一旦來錢塘初逢芝宇未通姓抑抑威儀偏  
主敬誰知仁表一家人不用珠盤玉敦盟吾道流傳  
須俊英翩翩年少筆花生共期浚棘千秋業師生兩  
地足知名征帆盼望秦淮道  
荷花風肆好已有  
天香襲錦裾掀髯敢讓勞人草我家小子駐江南離

恨天涯三又三君往陪京得意日相逢斗酒樂湛湛  
看花又向長安去白玉堂中翔鳳翥他日碧紗籠舊  
遊雲居却是讀書處



國